

três povos em luta dentro das aulas

a repressom NOM nos vai deter

Ikasle Abertzaleak (IA), AGIR e o Sindicat d'Estudiants dels Països Catalans (SEPC), organizaçõs estudantis independentistas basca, galega e catalá respectivamente, querem denunciar a estratégia de criminalizaçom e repressom que nos últimos tempos sofrem contra a luta para lograr um sistema educativo nacional, popular e público.

As identificaçõs e julgamentos a estudantes dos Països Catalans por queimarem fotos dos monarcas espanhóis, por se manifestarem contra o Plano de Bolonha o por denunciarem a sociedade e o ensino patriarcais, as detençõs indiscriminadas e a violênciã policial contra estudantes de Euskal Herria que combatem a privatizaçom da universidade pública, ou os expedientes e detençõs de estudantes galegos que denunciavam a presença de partidos totalitários e espanholistas nas universidades som só alguns dos exemplos da situaçom de excepcionalidade que sofrimos diariamente os e as estudantes organizad@s das respectivas naçõs oprimidas.

Estes dias em que muitos lembram com melancolia a combatividade do 68, o movimento estudantil galego, basco e catalám reafirma-se na necessidade da luta estudantil, motor hoje como ontem, das transformaçõs sociais. Esta luta, longe de ser criminalizada merece ter todas as garantias democráticas, e é a sua violaçom o que está a causar os distintos conflitos.

É precisamente perante este contexto que, como organizaçõs estudantis independentistas, nos unimos para denunciar esta situaçom e para comunciar que, malia os intentos de deter a nossa luta nos centros de ensino, comprometemo-nos a seguir as tarefas sindicais e organizativas que levamos a cabo dia trás dia para assim atingir os nossos objectivos.

Atingir um modelo de ensino nacional próprio, livre de imposiçõs do imperialismo

Conquerir que este novo sistema próprio responda às necessidades do Povo Trabalhador, seja antipatriarcal e de qualidade.

Aportar a força do movimento estudantil na luta de libertaçom social e nacional dos nossos Povos.

Seguiremos a lutar junt@s com os colectivos da Europa toda com o objectivo de pararmos o processo de mercantilhaçom e de homogeneizaçom cultural que nos impom o EEES (Espaço Europeu de Ensino Superior); seguiremos a combater o fascismo faculdade por faculdade e escola por escola; e nom descansaremos nunca na nossa luta contra as imposiçõs do Estado espanhol e do capital.

Nengum tipo de repressom nos deterá! A luta é o único caminho!

4 de Maio de 2008



www.agir-galiza.org ★ www.ikasle-abertzaleak.org ★ www.sepc.cat